

# Japaun Apoiu Millaun U\$20 ba Konstrusaun Portu Dili

DILI -Governu Timor -Leste liuhosi Ministéiru Obras Públika, Transporte no Komunikasaun (MOPTK) hala'o lansamentu fatuk dahuluk ba konstruksaun portu foun Dili ne'ebé mak hetan apoiu hosi governu Japaun ho montante orsamentu millaun U\$ 20.

■ *Kontinua ba Paj.23*



Vise Ministru Transporte no Telekomunikasaun, Inácio Moreira, hatudu hela futuru instalasaun FERRY Terminál Pasajeiru Portu Dili ba primeru Ministru, Rui Maria Araújo, iha lansamentu fatuk dahuluk Portu Dili, ne'ebé hetan ajuda hosi Povu Japaun, Tersa (08/08).

## Japaun.....

■ HUSIPAJ.1

II Vise Ministru MOPTK, Inácio Morreira, afirma iha nia deskursu katak, durante tinan 10 resin nia laran Governu hetan kritika maka'as kona-ba kondisaun portu Dili nian, maibé agora hahú hafoun ona atu oinsá bele responde ba prekupasaun sira ne'ebé mak iha antes.

"Ha'u lori Ministéiru Obras Públika no trasportre agredese no priveleziu boot ba governu Japaun tanba ajuda ona ita bele kria kondisaun haluan tan ita nia portu, tanba durante ne'e Governu rasik hetan kestiona makas hosi publiku." dehan Inácio Morreira iha nia deskursu ba iha seremonia lansamentu Primeiru Pedra iha Portu Dili, Tersa (08/07).

Nia hatutan, iha tinan 2013 MOPTK rasik supmete proposta ida ba governu japaun liuhosi JICA iha Timor-Leste hodi observa no halo analiza ba kondisaun infraestrutur no kondisaun Portu Dili.

No iha momentu ne'eba governu Japaun decide no aprova prosesu sira ne'e no halo kedas estudu ba levantamentou Infrastrutur ninian iha portu Dili.

Nune'emós levantamentou hahú iha 31 Jullu to'o loron 4 fulan-Agostu 2015, no bazeia ba reziltadu estudu, governu TL no Governu japaun konkorda konstrui portu oinsá mak bele asegura di'ak liu seguransa pasajerus hotu.

Nia deklarara implementasaun projetu nee tuir nia oráriu loron 21 Abril 2017 konsultores Governu Japaun Konkore ba kualifikasau, no kompañia tolu mak supmete iha projetu, Ho projetu ne'e kompostu hosi komponente rua, primeiru reabilitasaun ba kais apostal komprimentu metru 100 ba tasi laran, no metru 20 ba patlaforma ida ho nia deminsaun metru 55 no metru 50 ba legura.

"Projetu ida ne'e hetan finansiamentu hosi governu japaun ne'ebé ho valór projetu U\$ 20 Millöens no segundu komponente ba rehabilitasaun pasajeiru terminál kapasidade akomoda pasajerus atus tolu." dekla Vise Ministru ne'e.

Entretantu governu Timor-Leste rasik sei tau osan mais Millaun ba konstruksaun ne'e

oinsá bele la'o ho di'ak.

Iha parte seluk tuir Embaixador Japaun mai Timor Leste, Elji Yama Moto, deklarara seremonia lansamentu projetu Portu Tibar no Terminal pasajen inportante tebes ba nasaun Timor-Leste nia dezenvolvementu.

Tanba ne'e lori governu japaun nia naran nafatin foapuii oinsá maka bele nafatin iha kooperasaun di'ak nafatin.

"Governu Japaun decide ona fundu ho montante U\$ 20 millöens atu fornese ba governu TL hodi finansia projetu ho obejivu atu realiza transportasaun ho di'ak", Elji esplika.

Tanba ne'e lori governu Japaun nia naran espera projetu ne'e la'o ho di'ak no bele fó vantajne ba povu sira maka utiliza Portu Dili.

Iha sikun seuk, Primeiru Ministru, Rui Maria de Araujo, kongratula Governu japaun, tanba bele halo koperasaun di'ak ho Timor-Leste.

"Ha'u rausik agradese ba Governu Japaun, tanba bele fó nafatin apoiu ba nasaun Timor-Leste, espera ita-nia amizade ida ne'e la'o di'ak nafatin fó tulun malu atu lori ita-nia nasaun ne'e ba pás no estabilidade nia laran" dehan PM. (jxy)

